



國家清史編纂委員會·文獻叢刊

續編

清代稿鈔本

第一〇〇冊



國家清史編纂委員會·文獻叢刊

續編

清代稿鈔本

第一〇〇冊

廣東省立中山圖書館
中山大學圖書館

編

主編 桑兵
副主編 李昭醇

程煥文

廣東省出版集團
廣東人民出版社
·廣州·

第一〇〇冊目錄

四川全省財政說明書	一
貴州全省財政說明書	七三
新疆全省財政說明書	四九三

四川全省財政說明書

經濟學會鉛印本

廣東省立中山圖書館藏

四川欸目說明書目錄

地丁說明書

津貼說明書

捐輸說明書

新加捐輸說明書

鹽課釐說明書

鹽引稅說明書

鹽羨截說明書

鹽觔加價說明書

茶課稅釐說明書

茶票息釐說明書

滇黔邊計官運說明書

計岸官運說明書

當牙碾魚課說明書

四川全省財政說明書 目錄

四川全省財政說明書

四川省財政說明書 目錄

關稅說明書

百貨釐金說明書

契稅說明書

肉釐說明書

酒稅說明書

油捐說明書

糖捐說明書

礦務說明書

土稅說明書

煙土行用說明書

司庫各項減平說明書

司庫雜款說明書

司庫常捐各款說明書

司庫賑捐各款說明書

公家營業說明書

各屬地方雜稅說明書

各屬地方公款說明書

各屬地方公產說明書

各屬地方營業說明書

各屬收入手數料說明書

四川全省財政說明書 目錄

三

四川全省財政說明書

續編清代稿鈔本 第一〇〇冊

四川全省財政說明書 目錄

四

六

地丁說明書附火耗

地丁爲國家正供川省地大物博而定賦獨輕者蓋由明末兵荒之後我朝定鼎撫輯招懷第欲安之而已故輕徭薄賦以與民休息不以其賦稅爲利也迨康熙雍正年間荒蕪日闢生聚日繁歲入不供乃有清丈之舉特簡京員來川以督之於是隱漏田畝出雖賦入加增而起科仍從輕則嗣又攤丁於地按糧載丁其取諸民也大抵三十而稅一耳洎咸同軍興兵餉告匱乃就地丁正糧加收津貼捐輸以供軍費其收入實多於正糧數倍而川民輸將恐後亦以其初額賦本輕力能堪之也嘗考田賦之法列於賦役全書以近十年計之川省民田四十七萬六千二百二十四頃有奇年額徵銀六十六萬九千一百三十一兩零遇閏加徵銀二萬三千二百九十餘兩實爲常款之大宗每年開印後示期開徵例由民間自封投櫃所以防浮冒也截給串票以爲完稅之據所以杜重徵也定上下忙之法五月完半十月全完民戶之急公者官以花紅獎之欠則從事追比使之輸將有期勸懲互用所以禁制官吏之苛急繁擾也各廳州縣徵存錢糧限年內申解司庫其距省遠之處赴解不及展至次年正月後解清其捷速者優獎之一有虧挪立繩以法此又牧令之考成也夫地丁由官徵收無他繁費而吏胥之食用及解送之需弗可少徵糧例用庫色庫平民間習用市平上納銀色低雜於是有補平傾鎔各耗費悉取諸民故正賦之外有經費經費有餘是爲平餘官吏之所恃爲辦公津貼者也行之日久其爲數有定而無擾於民故民安

四川全省財政說明書 地丁 津貼

二

之光緒三十四年改設經徵定公費提平餘解司庫仍以之撥充公費則又與昔年耗羨歸公之案先後符合此外又有票錢乃房書繕造冊籍紙張筆墨其費無所出於所給糧票取之大致糧票一張取錢數文數雖微必充用有盈近年各州縣舉辦新政搜剔所及此項票錢又大半提作地方行政經費所餘僅矣此款向分起解存留兩項自咸豐四年始奉文全數解司存候撥支其初專支祭祀典禮文職俸薪旗綠各營兵餉驛站夫馬憲書工料喇嘛茶價及餉鞘役食舖司孤貧等項均額定之款近因裁綠營節兵餉撥作四國償款農工商部民政部經費及本省警察行政費又以停止科舉將從前之科場經費及廩餼旌賞會試盤費等款均撥作學部經費因時制宜用益核實每年出入款目由司於年底造冊詳請奏銷固亦歲計之通例然例限綦嚴實較他款爲尤重要也

附火耗

案火耗初爲官吏浮收之款自雍正年間查辦後化私爲公均照地丁糧銀每兩加收火耗銀一錢五分年額徵銀一十萬零遇閏加增銀三千四百九十餘兩隨正銀解司撥供文武各官養廉將軍總督都統衙門役食心紅暨滿城倉夫工食等費用按年由司列冊詳請 奏銷久爲歲入經常之款矣

津貼說明書

津貼者額賦不足以濟正供按糧隨徵之賦也始自咸豐四年本屬臨時取給權宜濟事其後京協各餉

奉派日增無以充撥歷年援案奏請展辦漸成爲經國之常賦矣初屬邑疲於供給夫馬往往科歛諸民定隨糧幫征夫馬費之法及津貼興而夫馬未革民力弗堪光緒元年丁文誠任山東巡撫代奏薛福成條陳事宜以川省按糧津貼之外另有津貼名目逾於正供之額幾至十倍經戶部咨查因循未革文誠旋即督川首罷夫馬法惟川北川南酌留一二成供給藏差於是津貼之徵收民人亦安於輸納矣其稅率定法每糧一兩徵津貼一兩川中糧額六十六萬八千餘兩除邊瘠之梓潼廣元昭化劍州蘆山大甯青神松潘茂州汶川峨邊屏山馬邊雷波越嶲鹽源石泉綦江理番石砬天全筠連興文高縣珙縣叙永永寧榮經清溪會理三十廳州縣免征銀肆萬餘兩又兵田公田及零星小戶概不配賦實計歲入五十餘萬由各屬委紳設局各就其地平色核收加補庫平足色隨同地丁解司別無浮費徵解竣事綜計收入銀數奏廣鄉舉名額近年改請加廣優貢所以獎勵其樂輸亦以取別於加賦也然津貼之與捐輸均有報酬之義非純爲國家固有之財權其爲法殆近於壓制之國債惟不償還耳其徵收之費用則隨糧帶征凡局紳之勞金及運解之公費皆於收數中留支百分之一其距省遙遠之夔州甯遠重慶綏定保甯西陽忠州七屬留支百分之二勿許浮收浮支限於此數取給嗣以征解相權有贏無絀於是并同捐輸提解節存平餘征收費愈減少矣歷年收入專供京協各餉及本省防勦經費現仍循案支撥間有他事款絀臨時不給則改撥津貼取濟當時之用近年有因鹽茶課絀收而改撥者有因地丁緩征而改撥

四川全省財政說明書 津貼 捐輸

四

者皆隨時詳咨有案固純爲內銷之正款也

(附)津捐節存

光緒二十八年岑制府以各屬徵收津貼捐輸照額報解尙有盈餘有留爲地方公用者有官紳挪作他用者行司飭屬調集簿計大加裁減每年節存若干隨同正款申解以裕正供經前藩司詳明作爲辦理新政等項之用嚮屬於外銷之雜款也

捐輸說明書

川省當石逆犯境時軍事孔亟額征不足以給餉需前制府駱文忠公始於同治元年奏辦捐輸以濟軍用按糧多寡攤派責成有司督紳征收當時以定制不得加賦所捐仍予議叙故定名爲捐輸其數少者彙而計之請廣文武科中額學額嗣以撥解日增經常之稅不足援案展辦迨科舉既停仍加廣優貢以符定章雖各屬捐數歲各不同而總額仍無大差亦遂成爲固有之歲入矣其征解之法量民力較歲豐歉預算一定之總額分配於各屬區別等級定期納付其邊瘠之峨邊城口松潘理番越雋茂州天全會理石泉大甯高縣筠連珙縣興文榮經蘆山清溪冕寧鹽源汶川馬邊雷波巫山二十三廳州縣不任捐餘悉按糧征之爲數一百八十餘萬視地丁過二倍以上先一年由藩司參照前二年之定額詳請制府援案奏明照所定額攤分於屬邑檄飭地方官征解各屬奉文後集紳議以攤數分配糧戶視捐額之多

寡定稅率之輕重初非齊一有每糧一兩收捐二三兩者亦有僅收八九錢者皆自載糧八分以上起攤其有業當糧存明佃暗當利歸管業者由耕管之人認捐遇有水旱偏災量予減免仍覈計其數轉攤於豐裕之州縣又以需用孔亟定章於年前預解半數即年征齊解司其預解之款紳富墊出之於收入時歸完有解遲者則委員守提有征無逋亦可謂嚴矣其征收之法既按糧攤定隨糧併征故征收費甚少按其出數曾不逮入數百之三定章距省遠之夔州保甯重慶綏定酉陽忠州凡解銀百兩准扣支銀三兩其他府屬准扣支銀二兩一切局用解費皆限於此數取給不准浮報而侵及正供亦不准浮收而累及捐戶其年前解半數有由紳籌墊給息者仍在正項內扣還若不計息者即不許開報三十三年以此項扣息分給則各紳獲利無幾統計則捐款虛糜實多因廢舊章改給外獎此項捐務向由藩司主政於本署設捐輸房揀派書吏承辦文案需用公費向由夷務項下開支並同印發攤捐告示工料及督署承辦捐輸房書工食等項歲計大率一千餘兩蓋合新加捐輸併計者也其款按之舊案供撥甘餉俄法英德借款克薩息款步軍統領衙門經費銅本防勦經費旗綠各營廉餉綜計一百七十八萬歷年大率類是惟每年造報捐輸議敘由司在收數內劃提一千九百餘兩作爲部飯照費其有節存與津貼節存併計別爲款目不闌入是編矣

新加捐輸說明書

四川全省財政說明書 捐輸 新加捐輸

五

四川全省財政說明書 新加捐輸 鹽課釐

六

光緒二十七年川省攤派庚子賠款欽奉 上諭於原派捐輸之外按年加派畝捐銀一百兩名新加捐輸原議如籌集有款即爲停減以紓民力嗣以無其他稅法可以補充而捐輸徧行歲久無擾其法良便故率循至今每年援案攤派雖純爲國家稅而非經常正供他日仍當體國用察民力而消息之是仍屬於臨時收入之款也至其配賦按捐輸之六成餘遞加一切悉循捐輸之辦法仍責成各廳州縣照派額征收年前預解半數本年全數清解勿許逋欠其納捐民戶議叙如捐輸例惟稅率較捐輸稍輕耳徵新捐輸與捐輸同設一局委紳承辦以稅額雖分而稅源則一也故徵收之費用第就半餘取給己有贏無絀自提津捐節存徵解僅足非復昔之饒羨其於征款中動支者惟解費一項道遠支百分之三近則百分之二亦與捐輸從同也新捐輸爲籌還庚子外債之專款本以定額分配於各屬此有贏則彼有絀不能於原額之外增加收入歷年均就征存全數報解無截留外銷之餘款也

鹽課釐說明書

鹽有井鍋竈各課之分權於井者曰井課井課之名自唐始杜氏通典云蜀道陵綿等十州鹽井九十所每年課鹽都當錢八千五十八貫顧亭林蜀中風俗記述井課之沿革極爲詳備今權井之法猶昔耳本朝順治十七年巡按張所奏定凡井報部三年乃權就其鹹源之盈朒而定爲則曰上曰中曰下又曰上中曰中下曰下下凡六等今課額之有等差此其權輿也鍋課者在齊曰釜在漢曰牢盆在宋曰鍋戶

又曰鑪戶在明日盤鐵又曰盤鐵又曰鍋戶皆無專課今鍋有煎鍋有溫水鍋煎鍋如井分六等鍋無定額溫水鍋無課夫起課既以井計又以鍋計賦課之物件不同定課之標準亦異究其原因則以各地鹽井不惟鹽源之厚薄不能一致而滷泉之衰旺亦有區分或一井足供數十鍋之用或一井不敷一鍋之用且煎鍋一口必須資本數百金故有井而鬻鍋於人者亦有置滷而買滷以煎者情形既有不同課則故難一定或有井無鍋者則課井或有鍋無井者則課鍋或有井而又有鍋以自煎者則課其一而免其一不並課之古人蓋亦斟酌習慣以爲立法之根據矣今課井之廳州縣凡二十有五課鍋之廳州縣凡十惟鹽源一縣則井鍋無課而獨徵竈課此爲特例自康熙六年奏准置竈煎鹽遇閏加課銀二十七兩二錢今蓋猶沿舊制也合并鍋竈三者每年共徵銀一萬四千餘兩其額仍按國初所定迄今未有增減也就其利弊言之則利之所在而弊即隨之何也夫井課鍋課竈課額皆有定率可以得確定之收入然無減少亦無增加則乏屈伸之力井課則直接對於井戶徵收鍋課則直接對於鍋戶徵收竈課則直接對於竈戶徵收方法極爲簡易可以省調察之困難然井鍋竈之多寡變遷無常而課額之多寡頻歲如故則於社會之情狀或亦未必適合也

鹽引稅說明書

川鹽法有引鹽票鹽之分引鹽者由商人領引配運行銷其行於黔楚者曰邊引行於腹地者曰計引而

四川全省財政說明書 鹽引稅

八

稅由商人納官也票鹽者由小販持票赴廠購買餘鹽以給民食既無領引之商難收按引之稅故由糧戶併入地丁納官也蓋引鹽者商運商銷引稅取於商人也票鹽者民運民銷引稅取於地丁也四川之有引稅實自宋始而引稅之歸丁則自近世始據朝野雜記宋紹興二年總領四川財賦趙開仿蔡京東南東北鈔鹽條約初變引法置合同場收引稅此爲四川引稅見於記載之始歷元明兩代因革畧殊而實互相沿襲 本朝定鼎之初猶行前明舊引考會典事例康熙二十五年始令寶泉局銅版印發初頒引式嗣復屢經換鑄乾隆六十年始定四川版此引稅之沿革也又據會典產鹽行省惟河東鹽池議准課歸地丁四川初行於巴州繼而通江定遠銅梁大足皆因之至嘉慶十七年總督常明請於他州縣照例舉行戶部駁結不許然各州縣有商亡課懸者皆權宜行之至道光三十年寢增至三十一州縣以後逐漸增多光緒三年總督丁寶楨奏定歸丁各引不印總督關防白截存鹽茶道庫以待招商行引至今因之此引稅歸丁之沿革也綜而論之引鹽者便於有鹽商之地而不便於無鹽商之地川省山高水險道路崎嶇荒僻州縣商賈罕至但拘引鹽成法則窮苦小民既無買引之資即有淡食之慮官引壅滯民食艱難不便於民亦不利於國票鹽者即求所以便民乃引鹽之救濟方法也稅歸地丁攤徵者即求所以利國乃引稅之救濟方法也有商領引則對於商人直接以徵引稅無商領引則對於地丁間接以徵引稅相輔而行經權互用昔之掌握鹺政者亦可謂審慎周詳矣今歸丁各引皆由昔之鹽茶道今之鹽